

清·方略館 編

清代 方略 全書

北京圖書館出版社



欽定巴勒布紀畧卷十三

十一月初八日

丙寅

李世傑奏言臣欽奉

寶

諭旨垂詢此次軍需銀兩實數臣覆加查核此次雖

餘

經調派官兵究未大辦事事均從撙節現在糧

餉軍火等項俱已停止官兵雖尚未停撤日有

支銷一時未能截清確數然約畧計算即速凱

旋需用不過六七十萬兩足備供支臣仍隨時



核實稽查不致稍有糜費再臣前聞賊匪知罪
求和勢已窮蹙想大兵一到即可蕲功望捷之

心不無欣幸茲復蒙

諭旨訓誨周詳仰見

聖謨遠大務使賊匪等震懾兵威抒誠守法永不敢

稍犯疆圉方為一勞永逸臣跪讀再三竇深感

服之至奏入報



聞

初十日

戊辰

李世傑奏言

臣自打箭爐起程回省

途次接奉

上諭此項後起官兵鄂輝既檄令前進而李世傑又

令就近撤回所奏互異等因臣查前因巴勒布賊

匪無能毋庸多兵勦捕即咨商鄂輝令其就近

審度情形再行定撤嗣經鄂輝接准成德來咨

復將佛智穆克登阿所帶後起滿漢屯練一千
餘名及副將哈豐阿帶領之漢兵三百名一併
調令前往今成德已帶兵由脅噶爾一路進剿
鄂輝亦可計自抵藏所調後起官兵日進日遠
自應聽其迅速過行即或後起之兵到藏該處
業經藏事而軍旅雲集更可使該番等震懾
天威倍生畏服尤足以永靖邊隅奏入報

聞

十一日己雅滿泰奏言臣於十月初十十一等

日屢次接奉

訓諭跪讀之下不勝悚懼戰慄伏查寄交科爾喀部

落檄諭臣于九月初八日已發交噶布倫札什

端珠布由脅噶爾一路迎送賊營今欽奉

諭旨遵即將立定疆界毋許再有侵犯等語敬謹添

入另繕唐古忒字一分速寄叅贊大臣成德由
該處就近發往至所調唐古忒兵已派前後藏
噶布倫戴綱等陸續帶往脅噶爾堵禦臣現飭
令噶布倫札什端珠布即于所帶唐古忒兵內
揀選強壯者數百名速為妥協預備俟鄂輝抵
彼時隨同進發其喀喇烏蘇三十九部落番兵
前經慶林調取尚未到藏臣酌量情形此時似

可毋庸催調再采買糧米一案臣將所奉

諭旨曉示公班第達等據稱前因七月內新糧未收

又無蓋藏是以一時不能多辦今屆收穫之際

前後藏各村莊儘力采買計尚可得麥二千石

蕎麥八千石等語臣即交辦理糧餉官員魯華

祝公同商議照時價秉公采辦俟得有麥石確

數及需用錢糧若干另行查核報銷奏入

上命軍機大臣傳諭雅滿泰曰前因巴勒布賊寇滋擾脅噶爾地方內地正欲添兵前往藏内存糧四千餘石僅敷四月口糧倘尚未能藏事兵丁何以持久是以特諭雅滿泰再行寬為采買原就彼時奏到情形運籌萬里之外雅滿泰等接奉諭旨自當詳查現在情形酌量果否需用再行辦理今賊寇業由脅噶爾竄遁內地派往兵丁不過千餘從

前辦出米糧已極充裕乃復拘泥前旨紛紛采辦
麥石甚屬無謂雅滿泰著嚴行申飭此時惟將從
前辦出米糧按照支用實數隨時給價毋庸多為
采買又前奏生擒二賊諒已解到前藏如何審詢
之處此次並未奏及著傳諭雅滿泰速即訊明起
事緣由及鄂輝成德等現在如何勦辦賊匪迅速
奏聞

十七日乙亥李世傑奏言 臣于初八日雙流縣途

次接奉

諭旨此項運送出口米石是否在察木多及巴塘裡
塘等處存貯抑係自爐直運至藏著查明迅速覆
奏等因查前後藏所備糧食均已儲積充盈所有
運送出口米四千六百餘石原係預備官兵
沿途裹帶之用內惟拉里一營距藏尚遠酌撥

米數百石俾資接濟餘俱分貯裡塘已塘察本
多三處以備官兵往返按站供支並未運交西藏
前摺所稱自爐運藏等語係統計運價而言並
非直運至藏理合查明據實覆奏

同日李世傑又奏言竊照已勒布賊匪滋擾後
藏調派官兵轉運糧石省城距藏寫遠惟打箭
爐為出口總匯之區一帶俱係土司所管苦寒

荒僻迥與內地不同所有滿漢屯土各兵並糧
餉軍火軍裝等項一時並集該同知符兆熊隨
時調度應付裕如俱得迅速進行毫無貽悞即
各土司烏拉到站亦皆善為駕馭俾各踴躍爭
先數月以來均能實心經理勇往急公現在軍
務將次歲功仰懇

聖慈俯准予辦理凱旋之後令其赴部引

見量加擢用以示鼓勵奏入

上命軍機大臣傳諭李世傑曰據奏打箭爐同知符兆熊於辦理西藏過兵運餉事宜俱能奮勉出力

現在軍務將蒞請量加鼓勵等語該省松茂道索諾木札木楚現已丁憂該處界連番地員缺緊要

例應在外揀調着李世傑於通省知府內揀選一員奏明陞補其所遺知府員缺即着符兆熊補授

以示獎勵

二十四日
壬午鄂輝奏言臣倍道遄行原期十月

內到藏因旬日以來所經之地山高雪大路滑

冰堅後起官兵未能併站馳驅臣現已輕騎行

抵江達儘力趲程務于十一月初四五日抵藏

酌帶續到官兵馳往該處協同成德奮力追剿

以期迅速藏事至官兵口糧一事屢蒙

訓諭惟恐累及藏地番民反覆開導臣等自當仰體
妥辦查前藏備存裸麥四十六百餘石可供三
千官兵四月口糧今副將那蘇圖所領屯練兵
五百餘名先經撤回是先後進藏官兵僅止二
千五百名所需口糧較少而現在賊勢當不致
遷延時日所有前藏存糧儘足敷用可無須動
支後藏糧石臣仍當加意撙節並將勦捕事宜

上緊籌辦固不敢草率完結致貽後患亦不敢
稍事遷延虛糜糧餉其官兵現用喇嘛商上糧
石即飭該糧員按值給價勿稍虧累又查屯練
土兵前次進勦臺灣均由內地行走沿途應付
寬裕獲有餘潤此次遠涉荒山諸凡未免竭蹶

特荷

睿慮周詳令臣等留心教約臣查該屯番等皆係生